


FECMIM KEV ZWM NRUG le Conseil National des Évangéliques de France (CNEF)

Nyob tebchaws Faabkis, cov ntseeg « protestants évangéliques » yeej muaj ntau tamsis suavdlawg nyob ua saab ua sua, ua ntau paab ntau pawg ; tsi muaj kev ua dlejnum uake txug kev nthuav Vaajtswv txuj moozoo hab ua tau povthawj kuas meej nplhav rua lub tebchaws nuav. Cov ntseeg « protestants évangéliques » txhaj tau lug koom uake ua ib lub chaw coj suavdlawg lug sis tuav teg rua kev cog phoojywg hab kuas suavdlawg ua tuab tug tsau cig txug hom los phaab kev ntseeg « protestant évangélique » ; kws uake ntawd suavdlawg yuav tau muaj kev fwm hab leeg paub has tas yeej muaj tej kev coj kws tsi sisthoj nyob nruabnraab ntawm suavdlawg.

Lawvle tau has taag lug uantej nuav lawm, cov hauvpaug koomhum lossis cov paabpawg ntseeg « Évangéliques » xws le : « l'Alliance Évangélique Française (AEF), le Réseau Fraternel Évangélique Français (FEF), les Assemblées de Dieu (ADD), Pentecôtistes et Charismatiques, ib co ntawm la Fédération Protestante de France (FPF), les Œuvres et Missions » txhaj tau lug sis ntsib, thaam hab npaaj tsimtsaa le Conseil National des Évangéliques de France (CNEF).



Lub Hauvpaug « Conseil National des Évangéliques de France » (CNEF) yog raug chiv hab tsimtsaa lug ntawm cov ntseeg Yexus (*protestant évangélique*). Nwg txheeb hab nqua huv cov ntseeg Yexus *évangélique* lug sis koom uake ib yaam le cov ntseeg *musulman* (*Conseil Français du Culte Musulman – CFCM*), cov ntseeg *catholique* moog rua cov ntseeg *Juifs*.

Le CNEF, nwg ua tug sawvcev hab muaj feem yuav paab yuav fwj qho yaam hab qho dlejnum le nraag qaab nuav rua cov ntseeg « protestants évangéliques » nyob rua tebchaws Faabkis :

1) Le CNEF yog tsim lug ua ib lub hauvpaug luj sawvcev cov ntseeg « évangélique », sub tej num tej tswv yog paub xaav tau tswvyim hab xaav nug dlaabtsi txug cov « protestants évangéliques » los txhaj le yuav yoojyim ; nwg sawvcev ib paab tuabneeg has ib lu lug xwb txhaj yuav ua tau ib tug zug luj rua ntawm tej numtswv kuas luas saib taug cov ntseeg « évangélique » nyob tebchaws Faabkis.

Peb suavdlawg nyob rua ib lub tebchaws kws muaj tej kevlig kevcai tswjfw m tej kev ntseeg, sojntsuam tej koomhum ntseeg saib puas yog cuav (*La Mission Interministérielle de Vigilance et de Lutte contre les Dérives Sectaires – MIVILUDES (2002)*). Le CNEF yog ib lub hauvpaug koomhum ntseeg kws numtsv los tseemfwm Faabkis yeej leeg paub. Nwg muaj feem kws yuav paab hab tivthaiv tau, thaus ib cov los ib pawg twg kws zwm rua nwg raug ab lam moog rua txuj kev ntseeg cuav.

2) Le CNEF muaj ib paab kaavxwm tshwjxeeb rua kev tshaab xu lossis txuas lug nrug tej numtsv hab tej xuvxwm « *Médias (TV, radio, journalistes, etc...)* ». Puab qha txug le CNEF tej kev xaav, tej zeemmuag rua tej xwmtxheej tseemceeb kws tshwmsim nyob thoob qaab ntuj.

Thaus muaj tej xwmtxheej ua qauv tsi zoo rua cov ntseeg « *évangélique* », tsi has nyob tebchaws Faabkis los nyob thoob qaab ntuj, kws cooblej ntau tug suav has tas peb cov ntseeg « *évangélique* » nyob tebchaws Faabkis ntseeg hab coj le puab hab, xws le tej yaam kws tau tshwm nyob rua tebchaws Amelikas (*qho tug thawjcoj tebchaws, groupes évangéliques extrémistes*); le CNEF paab kaavxwm nuav muaj feem nrug tej nomtsv los yog tej paab tuabneeg kws ua num rua tej xuvxwm (*médias*) thaam hab qha txug le CNEF txujkev xaav hab kev coj.

3) Le CNEF muaj ib paab kaavxwm saib phaab « kevlig kevcai » tsi has saab kev ncaajnceeg (justice) los lwm yaam kws ntsig txug numtsv tej kev cai lijchoj. Yaav taag lug, puab paab nuav yog « *le réseau FEF* » paab tabsis tau muab cob rua le CNEF ua tug saib lossis muab ua ib paab kaavxwm kws nyob rua huv le CNEF lawm.

Puab muaj feem yuav muab tau tswvyim hab paab cov koomhum ntseeg suavdlawg txug seem nuav.

4) Le CNEF muaj ib paab kaavxwm tshwjxeeb rua saab kev coj noj coj ua (*commission éthique*). Puab tegnum yog sojntsuam saib cov ntseeg tsimnyog coj lub neej lecaag txhaj le ua hum Vaajtsv tug dlejsab hab muaj feem yuav teb lub nplajteb txujkev xaav hab kev coj noj coj ua kws hloov zuj zug ; ua rua ntau tug ntseeg Yexus coj yuamkev (kev rhu mivnyuas, kev sis yuav, kev ua tsuv ua tsog...).

5) le CNEF muaj ib paab kaavxwm tshwjxeeb rua kev sojntsuam txujkev ntseeg (*commission théologique*). Ob tug tuabneeg ntawm paab kaavxwm ntawd yog ob tug xwbfbw qha vaajlugkub nyob rua *l'Institut Biblique de Nogent (Lydia Jaeger)* hab nyob rua *la Faculté Libre de Théologie Evangélique de Vaux sur Seine (Jacques Buchhold)*.

Paab kaavxwm nuav yog paab tswj txujkev ntseeg kuas moog lawvle Vaajtsv txujlug hab yuav paab thaiv tau txug tej kev ntseeg cuav.

Vim peb yog cov ntseeg Yexus, tsimnyog peb sib koomteg nrug cov ntseeg Yexus kws tsi yog peb haivneeg moob. Muaj txujkev sib fim, kev ua dlejum hab kev thov Vaajtsv uake. Sib pauv tswvyim, ib leeg paab ib leeg. Nuav yog peb tug Tswv Yexus lub homphaj ! (Yauhaas 17.21).

Le CNEF txuj hauvpaug kev ntseeg los tug caag kev ntseeg (*confession de foi*) yeej yog ib tug lw zoo rua peb FECMIM taug. Yog le ntawd peb yuav tau koomteg nrug tej koomhum luj them tebchaws le nuav kws muaj txujkev coj hab kev ntseeg zoo thooj le peb. Peb txhaj yuav ua le Vaajtsv txujlug kws Nwg tau saamfwm tseg.

Pum le kws tau has taag sau nuav, peb cov tsaavxwm FECMIM txhaj le nquahu kuas peb cov pawgntseeg muab kev tawm suab pumzoo koom nrug le CNEF.

Yog leejtwg xaav paub lwmyaam ntxiv txug « le CNEF » los moog saib ntxiv rua huv internet :

<http://www.lecnef.org/50,Documents-du-CNEF.html>

Cov tsaavxwm FECMIM